



Pipaluk Lynge Rasmussen  
Inatsisartunut ilaasortaq, Inuit Ataqatigiit

**Qarasaasiaqarnikkut Paasissutissiisarnikkullu isumannaallisaaneq pillugu § 37-mut apeqqummut 44/2022-mut akissut**

Brevdato: 24. maj 2022

Sagsnr. 2022 - 4180

Akt. nr. 6257263

Asasara Pipaluk Lynge Rasmussen

P. O. Box 1037

3900 Nuuk

Tel. (+299) 34 50 00

Fax (+299) 34 63 50

E-mail: oed@nanoq.gl

www.naalakkersuisut.gl

Qarasaasiaqarnikkut Paasissutissiisarnikkullu isumannaallisaanermut Inatsisartut suleriaasiat malillugu apeqqutigisannut qujanaq. Apeqqutitit akissuteqarfigissavakka ataanilu takuneqarsinnaapput.

**Apeqqut 1:** *Ullumikkut qarasaasiaqarnikkut saassussinernut qanoq isumannaatsumiitsigaagut?*

**Akissut:** Qarasaasiaqarnikkut atortutsinnut saassussinerit tamakkiisumik illersornissamut periarfissaqanngitsoq nalunngilarput. Digitalikkut ineriartorneq ilutigalugu saassussiniartarnerit allanngorartuarput taamaammatt qarasaasiaqarnikkut saassussineq qanoq ililluni pisinnaanersoq aamma allanngorartuarluni. Taamaattumik qarasaasiaqarnikkut paasissutissiisarnikkullu isumannaatsuuneq qarasaasiatigut saassussinermut isumannaatsuuneq pitsaasoq eqqarsaatigalugu tassaassaaq Namminersorlutik Oqartussat oqartussaaffeqarfiini tamani ingerlatsinertut nutaatut akuerineqassasoq.

Qarasaasiaqarnikkut paasissutissiisarnikkullu isumannaallisaanerup nukittorsarneqarneruneranut Center for Cybersikkerhed pillugu inatsimmut peqqussut 2020-mi qitiusutut inissisimavoq. Tamannalu pivoq logning annerulerneratigut, suliffiup iluani digitalimik aqqutitigut atuinerup pitsaanusumik nakkutigineratigut ilaatigut atortutta paasissutissanik pissarsiniarfiginiarneqarneranut allatigulluunniit atornerlunniarneqarneratigut illersuiniarluni.

Ullumikkut isumannaallisagaanerup ulorianartorsioratarnissai hackerisoqaratarnissaalu pillugit suleqatigineqartuni aamma pisiortorfinnit Digitalimik Sullissinermut Aqutsisoqarfimmut ilimasaarisooqartarpoq. Ilimasaarisooqartarmat saassussineq pinaveersimatissinnaasarpaput. Pinaveersimatissinnaasarpapullu qarasaasiatigut atortorissaarutitta nutarterneratigut imaluunniit saassussineq qanoq pissanersoq allaffeqarfimmi sulisunut ilimasaarutigineratigut.

**Apeqqut 2:** *Kunngip Peqqussutaatigut Namminersorlutik Oqartussat Center for Cybersikkerhed-imut ilanngunnissaat pillugu EM 2020/194-imi allaqqavoq inatsisip piviusunngortinnissaanut 5 mio. kr.-it atornerqassasut. Aningaasat piviusunngortinneqarpat?*

**Akissut:** 2021-mut Aningaasanut inatsimmi pingaarnertut konto 109801 Digitalimik Sullissinermut Aqutsisoqarfiup ingerlatsinermut aningaasaliiffiginera 1 mio. koruuninik ilaneqarpoq, taamaalilluni 2024-mi 5 mio. koruunimut amerlineqarlutik. 2022-mi Aningaasanut inatsimmi pingaarnertut konto 109801 1 mio. koruuninik ilaneqaqqippoq. 2023-mi 1 mio. koruuninik ilaneqaqqissaaq. Aatsaat 5 mio. koruunit 2024-mi tamakkiisumik aningaasaliiffiqarsimassapput.

Ukioq 2021-mi aningaasaliissutaasut atorlugit qarasaasiatigut atortorissaarutinik pisinermut ingerlatsinermullu atorneqarput ilaatigut qarasaasiatigut atortorissaarutitta nakkutiginerunissaanik suliffiullu iluani attaveqaatinut nukittorsaasussat. Aningaasaliissutit atorlugit 2022-mi Digitalimik Sullissinermut Aqutsisoqarfimmi qarasaasiaqarnikkut paasissutissiisarnikkullu immikkoortumi atorfinitsitsinermut kissaatigineqartumut atorneqarput. 2023-mi qarasaasiaqarnikkut paasissutissiisarnikkullu isumannaallisaanermi immikkoortortaqaqarfimmi atorfinitsitsisoqaqqinnissaa naatsorsuutigineqarpoq.

**Apeqqut 3:** *Isumannaallisaaneq nukittorsarneqassappat, suliniutit suut aallartisartariaqarpat?*

**Akissut:** Qarasaasiaqarnikkut paasissutissiisarnikkullu isumannaallisaanermut qaffasissutsip nukittorsarneqarnera ataavartuuvoq. Saassussisartut periusaat allanngorarpur. Saassussineq pinerluttuliornerunersoq – qarasaasiaqarnikkut pinerluttuliorneq – ilaatigut aningaasat siunertarineqarlutik, imaluunniit naalagaaffimmiit allamiit paasissutissanik pissarsiniartoqarnersoq – qarasaasiaqarnikkut kilitsissiatut suliaqarneq – assigiinngitsuupput. Nunani issittuni isumannaallisaanermut maannakkut killiffiusoq eqqarsaatigalugu Kalaallit Nunaat qitiusutut inissisimalersimavoq, taamaalilluni qarasaasiaqarnikkut pinerluffigiteratarnissamut kilitsissiatullu sulilluni saassunnissaanut ulorianartorsiornerulersinnaavoq.

Qarasaasiatigut saassussineq 2022-mi marsip qaammataani pisoq qarasaasiatigut atortut nutaannginnerit isumannaallisaanikkut nutarteriffiunngitsukkut piliaapput. Qarasaasiatigut atortut allat illersorniarlugit Naalakkersuisut qarasaasiatigut atortuunik annertuumik matusisariaqarneq pisariaqarsimavoq.

Maannakkorpiaq qarasaasiatigut atortut tamaasa suli ammaqpinneqanngillat. Qarasaasiatigut atortut nutaannginnerit isumannaallisaanikkut nutarteriffiusinnaasut qarasaasiatigut atortut nutarteriffiqareerpata ammaqpinneqassapput.

Qarasaasiatigut atortut isumannaallisaanikkut nutarteriffiusinnaanngitsut ammaqpinneqassanngillat. Pingaartumik qarasaasiatigut atortut pisiortorfigisamiit isumannaallisaanikkut nutarterneqarsinnaanngitsut pineqarput. Taakku taarsersussapput.

Qarasaasiatigut atortunik pisisarnissaq akikinnerpaaq kisiat aallaavigineqartassanngilaq. Isumannaatsuuneq piumasarisavut naapertorlugit pissaaq. Pisinissaq akueritinnagu ukiunut arlalinnut isumannaatsuussutsip nutartertarnissaa pisiortorfiup qulakkeerlugu oqaatigereersinnaasariaqarpaa.

Ajornartorsiutit annertuut aappaat tassaavoq qarasaasiaqarnikkut paasissutissiisarnikkullu isumannaallisaanerup iluani assigiinngitsuni sulisunik eqqortunik piginnaasalinnik atorfinitsitsinissaaq. Nunarsuaq tamakkerlugu taamatut

piginnaasallit pissarsiariuminaapput. Taamaattumik qarasaasiaqarnikkut paasissutissiisarnikkullu isumannaallisaanermik upalungaarsimanerup nukittorsarneqarnissaata ingerlannerani sulisunik ilinniakkamik ingerlatsinissaq siunertaavoq ilaatigut suliap naammassinissai pitinnagit.

Ilisimatitsissutigineqarsinnaavoq piginnittuunermut politikki nutaaq Naalackersuisunit suliariniarneqarmat, tassani ilaatigut pisortat piginneqatigiiffiini qarasaasiaqarnikkut isumannaallisaaneq ukkatarineqartussani ilaalluni.

Inussiarnersumik inuulluaqqusillunga



Múte B. Egede